

Alles veänert sich .

(Josef Titsch/Vaihingen-Enz.)

So wie im täglichi Leve neies ufkummt un des alti veschwinne tut, so is es aa mit unse Sproch. Des was nimmi benutzt werd, des werd vegesst. Drum will ich a paar solchi Sach erwähne. Wie ich a Kind war han mir uf de Gass un uf am Damm gspilt.

Selmols hat me iwe de Fahrwech im Darf Damm gsaat. De Fahrwech vun aam Darf ins anri war schun a Stroß. Mir die Buwe han ka Rieme, wie die Männe an de Hose ghat, mir han Galche ghat. Die Madle han Girtle an ihre Reck ghat.

Wann a greßres Madl was angestellt hat. Han sei Leit gsaat, du bischt doch schun a großi Lutz, die Buwe ware a Lappi.

Es guti Gwand hat im hochi Kaschte, uf aam Kleidereche ghong. An de Gstell un am Zappebret war´s Arweitsgwand.

Mit aam Pipe un mit aam Hewe hat me Wein vum Fass raussgholl.

Ganz friehe han die Leit bei de Feldarweit Hopl angezoo. Die ware viII besse ausgarweit, wie de Rumäne ihre Hopintsche un han schun Schnalle ghat. Späte han se Gummischuh bei schlechtem Wette ufm Feld angezoo. Vum Fußzeich meeht ich noch die meischt angeezoheni ghecklti Schuh erwähne. Wann me die net richtich angezoo hat un se hinne an de Ferscht nunnegetret hat, no ware des Schlappschuh. Bei Rejewette hat me Holzschlappe im Hoff un Garte angezoo.

Manchi Leit han Galoschn iwe die Halbschuh angezoo, dass se net dreckich were.

Dass die Schuh länge halle selle hat de Schuste varne uf die Sohl un hinne uf de Absatz Eisle drufgnacht.

Am Waa war unem Schrachl a Waahund. Den han se runneglost, wann vill uf am Waa uffglaat war un sie am Maraschtberch nufgahr sin.

Iwe die Krawatl hat me aa Halsbindl un iwe de Bruschthalte aa Tutlspanne gsaat.

A halb Kilo war a Phund. So hat mol a Weib ihrem Schulmadl a Zecke un Geld ginn un hat's in die Fleischbank, a halb Kilo Fleisch kaafe gschickt. Dart hat´s awe a halb Phund Fleisch velangt. De Fleischhaccker hat a vertl Kilo Fleisch ohni Zuwoch (Knoche) gwoch un hat's gfrot, hät dir Gäscht? Es hat naa gsaat un hat sich gstaunt, warum der es des froot.

Wie sei Motte dehaam gsiehn hat, dass es ner a vertl Kilo Fleisch hat, hat ses glei zuruck gschickt noch a vertl Kilo kaafe. No hat's aa gwisst warum de Fleischacke es des gfroot hat.